

論 著

提倡國貨之我見

何應欽

通者提倡國貨，發展實業之聲浪，時常震盪于吾人之耳鼓，或召集會議以討論，或登報紙以宣傳，列舉計畫，昭示大眾，可謂極炫耀之能事矣！然皆事過境遷，託諸空言，上自官吏，下至平民，周身所着之服料，平日使用之物品，馳騁于街市，陳設于商場，凡觸於吾人之眼簾者；莫非舶來之洋貨，個人之所費既多，全國之所耗尤鉅，以貧弱之中國，製造之機器之利用，工業多體力之操作，每年須貢此數萬萬金於外國，購取洋貨以消費，民焉得不窮，國焉得不貧，至今吾國人民之生活，除少數貪污官吏，暴富商賈，住洋房，乘汽車，狂嫖豪賭，揮金似土外，其他十分九之民衆，多須終年竭力，胼手胝足，以事工作，始可獲衣食之資，免飢寒之危，而其中失業無依，鬻析離居，迫於凍餒，死亡枕藉者，不知幾千萬人，水旱兵災，尸盈溝壑者，猶未盡計，據今年東京國際統計會之調查，現在中國人口之總數，不過三萬萬二千萬人，較之二百年前乾隆時代爲少，果其如此，則長此以往，匪特國家之貧弱堪慮，而民族之生存，亦極可危，國人倘多夢夢，惟圖目前之快樂，弗顧民族之瀕危，神州陸沉，陷於亡國亡種之慘劫，誰悔何及。

目前中國人民之貧苦，至於此極，其原因雖多，而受帝國主義之經濟侵略，外國大資本家之壓迫，爲最大之毒

害，真以近世戰爭，不必兵力，而藉商業，不必槍炮，而用經濟，經濟力之喪失，則國家自趨於滅亡，英國之假手東印度公司，吞滅印度，卽其明徵，試觀英國商業所至之地，卽爲其軍力所達之區，德國前以競爭其商業，英國遂出死力以與之搏，德惠各國以爲臂助，終以克敵而占勝利，足見列強多利用商業，以肆其侵畧之手段，欲求自衛，以謀抵抗，厥惟屏棄外貨，勿復購用，同時實地獎勵本國之實業，提倡本國之貨品。

提倡國產，抵制外貨，爲反抗經濟侵畧之良策，人所盡知，然而察諸事實，終未見之實行，一則因外國工業發達，製造多用機器，規模宏大，出產迅速，中國實業幼稚，製造多用體力，範圍狹小，生產遲鈍，出產之品，遠不及機器製造者之價廉物美，人民自必捨貴而購賤，外貨於是乎暢銷，次則；因外人之資本雄厚，有所設施，動以千百萬金計，吾國商人之資本薄弱，遇有同業，一與競爭，彼卽利用其厚資，故意落價虧折，至中國商人本竭不支，倒閉歇業，彼復高抬其價以專利，中國之商業因此而失敗者，不知凡幾，復次；因中國之關稅，名稱自主，實受限制，無保護之稅則，以保障幼稚之實業，反之，外貨僅徵一重之關稅，爲率甚輕，卽可通行於中國各地，而中國之國貨，既抽統捐，經過各地，復有種種苛稅雜捐，名目繁多，稅率遠較外貨爲重，運輸資驗，多方留難，商人生畏，不敢運售，價格遂昂，不易出銷，而外貨遂充斥於市場矣！

果欲實地提倡國貨，以抵抗外人經濟之侵畧，則必發展實業，詳察世界各國之工業，習其機器，明其利用，由政府之提倡，人民之協助，招集鉅資，發行建設，免除苛捐雜稅，以利國貨之運銷，加徵外貨之奢侈捐，防止其壓迫國產，政府官吏，首先信用國貨，則人民無不風從，國產自能日見其發達。

然所謂發展實業，提倡國貨，吾人所應注意者，尙有數點：（一）須使各種實業爲科學化，近世各國之實業，多

利用科學之發明，改良創新，器物精巧，日奇月異，材不虛耗，廢物利用，而吾國固有之實業，多囿於舊識，不知利用科學以革新，如陶瓷紡織，渺無進步，是其著例。(二)使各種實業爲組合化，所謂組合化者，即使同種之實業，團結而組合，以形成大規模之實業，俾便於協力發展，不易爲外商所壓倒，而可利用宏大之機器，以廣製造，擴充計劃，以便設施，吾國實業，常苦於基礎狹小，如製紙煉鋼，紡紗造船，皆無巨大之廠場，製造即難與外人競爭。(三)應用化，即須就吾國目前最急用之物品，先行製造，積極發展此種實業，其他奢侈之物，不妨從緩，如毛織服料，紗棉玻璃等品，實爲今日國人所需要，宜急爲設備。(四)簡單化，即在同種實業之中，勿爲多種重複之製造與設備，免其浮贅於實用，以減去實業與商業上之無形消耗，節省產生之能力，如同種物品，不必多數家製造；亦不必多數家設備與銷售於同一市場也！

上述諸端；非敢當於實業專來之遠識，不過聊敘個人之管見，就目前中國情形而論，各種實業，甚形凋落，外資外貨，風激雲湧，通都大邑之商舖，十九俱係售賣洋貨，或標國貨之名，實改裝以混充，加製以相欺，瞥目所見，誠足令人怵目驚心，甚至中國素著農桑，竟須購食外米以濟荒，其受經濟侵略，民衆生活之恐慌，已達於極點，此則有賴於政府與民衆。鑒於中國目前經濟上之危機，對於國貨之生產與銷售，努力獎勵與合作，實地進行，救國拯民，勿徒託于空言，黨國前途，民族生存，庶有焉乎？

論我工商界亟須採用新式會計公開數目集中資本以謀

事業之發達

趙灼

開管翻閱中外年鑑。見所載各國工商業資本之統計。歐美諸國之公司。動輒數千萬元。而我國之公司。其資本過百萬元者。不過數十家。故歐美諸國之工商業日以發達。我國之工商業。日以萎靡。不但新興奄稱若晨星。即偶有興辦。亦不旋踵而倒閉。至黃色者。更受新式之摧陷。亦逐漸淘汰。日見消滅。遂釀成今日產業衰頹。民生日蹙之現象。此其故何哉。淺見者。必以為歐美民殷國富。我國民窮財盡所致。而不知實因彼之資本集中。而我之資本分散有以致之也。

歐美諸國。銀行發達。信用昭著。人民之款項。多存於銀行。銀行運用此存款。融通於工商業。故工商業之具有信用者。不虞資本之缺乏。其有新興事業。欲募集資本。恐未能取信於社會。則以舉辦其事業之計畫及預算。與銀行接洽。托其招股。銀行認其事業。有獲利之希望。則担任代為募集。人民見銀行担任募集。則信賴銀行。樂於附股。故每興辦一確實之事業。不憂資本之不集。資本不憂不集。故工商業如斯發達也。

或曰歐美諸國。民殷國富。資金充裕。故興辦工商業。容易集股。反觀我國。民窮財盡。資金缺乏。卽有最好之企業。銀行肯代招股。亦未必募得鉅資也。對曰。我國之資金。果真缺乏耶。試觀最近數年。因金價騰貴。華僑匯款歸國者。不可以數計。省港中外銀行之存款。大有銀滿之患。或減低利息。以示不願收存。或革除利息。以拒絕存款。遊資之充塞如此。若使我工商界。平日稍為華僑所信仰。則利用此項遊資。以興辦事業。則何業不舉。乃因信